



CANTON SARAJEVO
Ministry of Physical Planning Construction and
Environmental Protection

Na osnovu Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987/17 od 27.12.2017. godine, Aneksa Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-1/17 od 13.04.2018. godine, Aneksa II Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-2/17 od 13.03.2019. godine, Aneksa III Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-3/17 od 23.07.2019. godine i Aneksa IV Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa" broj 05-14-36987-4/17 od 04.05.2020. godine, Ministarstvo prostornog uređenja, građenja i zaštite okoliša Kantona Sarajevo raspisuje

JAVNI POZIV

За избор корисника субвенционирања трошкова изградње нових прикључака стамбених објеката на дистрибутивну гасну мрежу

I PREDMET JAVNOG POZIVA

Predmet Javnog poziva je prikupljanje zahtjeva i utvrđivanje rang liste za subvencioniranje troškova izgradnje novih priključaka stambenih objekata na distributivnu gasnu mrežu.

II USLOVI ZA SUBVENCIONIRANJE TROŠKOVA IZGRADNJE NOVIH PRIKLJUČAKA

1. Planirana je izgradnja novih priključaka za gas za:
 - a) Individualne objekte,
 - b) Stambene jedinice u objektima kolektivnog stanovanja gdje postoji priključak za gas,
 - c) Stambene jedinice u objektima kolektivnog stanovanja gdje ne postoji priključak za gas.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Zainteresovani korisnici iz tačke 1. pod a) i b) moraju ispunjavati slijedeće uslove:

- a) Da posjeduju Informaciju o mogućnosti priključenja sa predmjerom materijala i radova,
- b) Da posjeduju ovjeren Projekat unutrašnje gasne instalacije (ukoliko je Energetska saglasnost starija od dvanaest (12) mjeseci istu je potrebno produžiti),
- c) Da posjeduju ovjeren Zapisnik o završetku izvođenja radova na postavljanju unutrašnje gasne instalacije i uređaja.

Zainteresovani korisnici iz tačke 1. pod c) moraju ispunjavati slijedeće uslove:

- a) Da posjeduju ovjeren Zapisnik svih etažnih vlasnika da će koristiti prirodni gas za slučaj namjene korištenja gasnih aparata dimnjačne izvedbe, odnosno Zapisnik sa potpisima minimalno tri etažna vlasnika za slučaj namjene korištenja gasnih aparata fasadne izvedbe,
- b) Da posjeduju Informaciju o mogućnosti priključenja sa predmjerom materijala i radova,
- c) Da posjeduju ovjeren Projekat unutrašnjih gasnih instalacija,
- d) Da posjeduju Dozvolu za upotrebu objekta izdatu od strane nadležnog organa najkasnije do dana objavljivanja Javnog poziva.

III KRITERIJI ZA BODOVANJE

Kriteriji za određivanje broja bodova i utvrđivanje reda prvenstva korisnika subvencije na rang listi su:

1. Nosilac domaćinstva koji je korisnik subvencije troškova grijanja na čvrsta goriva (za sezonu grijanja 2019/2020), na osnovu Uredbe o subvencioniranju troškova grijanja (Službene novine Kantona Sarajevo, br. 4/05, 7/08, 37/13 i 51/14) 20 bodova
2. Samohrani roditelj 15 bodova
3. Osobe sa invaliditetom 15 bodova
4. Domaćinstva sa djetetom sa posebnim potrebama 15 bodova
5. Nosilac domaćinstva - nezaposlena osoba 15 bodova
6. Nosilac domaćinstva – penzioner 15 bodova
7. Svi ostali nosioci domaćinstva koji ispunjavaju opće uslove 5 bodova

IV DOKUMENTACIJA UZ ZAHTJEV ZA JAVNI POZIV

Kandidati su dužni, uz zahtjev koji sadrži adresu stanovanja i kontakt telefon, dostaviti uredne dokaze da ispunjavaju uslove iz tačke II Javnog poziva i dokaze za utvrđivanje broja bodova po kriterijima iz tačke III Javnog poziva, i to:

Za izgradnju novih priključaka za gas za korisnike iz poglavlja II tačka 1. pod a) i b):



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



- a) Informacija o mogućnosti priključenja izdata od strane KJKP "Sarajevogas" d.o.o. Sarajevo u originalu ili ovjerenj kopiji, ne starija od dvanaest (12) mjeseci, a ukoliko je Informacija starija od dvanaest (12) mjeseci istu je potrebno produžiti,
- b) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenj kopiji,
- c) Zapisnik o završetku izvođenja radova na postavljanju unutrašnje gasne instalacije i uređaja sačinjena od strane izvođača gasnih instalacija iz Registra ugovornih izvođača KJKP "Sarajevogasa" d.o.o. u originalu ili ovjerenj kopiji.

Za izgradnju novih priključaka za gas za korisnike iz poglavlja II tačka 1. pod c):

- a) Zapisnik sa izjavom svih etažnih vlasnika da će koristiti prirodni gas ovjeren u Općini ili kod notara,
- b) Informacija o mogućnosti priključenja izdata od strane KJKP "Sarajevogas" d.o.o. Sarajevo, u originalu ili ovjerenj kopiji, ne starija od dvanaest (12) mjeseci,
- c) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenj kopiji,
- d) Dozvolu za upotrebu objekta u originalu ili ovjerenj kopiji.

Za utvrđivanje broja bodova po kriterijima iz tačke III:

- a) Rješenje o subvencioniranju troškova grijanja (za sezonu grijanja 2019/2020, samo za ona domaćinstva čiji je nosilac korisnik subvencije troškova grijanja na čvrsta goriva na osnovu Uredbe o subvencioniranju troškova grijanja) u originalu ili ovjerenj kopiji,
- b) Kućna lista kao dokaz da je kandidat samohrani roditelj u originalu ili ovjerenj kopiji, ne starija od trideset (30) dana,
- c) Rješenje o invalidnosti kao dokaz da je kandidat osoba sa invaliditetom u originalu ili ovjerenj kopiji, ne starije od trideset (30) dana,
- d) Ček od penzije kao dokaz da je nosioc domaćinstva penzioner u originalu ili ovjerenj kopiji, ne stariji od trideset (30) dana,
- e) Potvrda od Biroa za zapošljavanje kao dokaz da je nosilac domaćinstva nezaposlena osoba, u originalu ili ovjerenj kopiji, ne starija od trideset (30) dana,
- f) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u originalu ili ovjerenj kopiji.

Maksimalan iznos subvencioniranja troškova izgradnje novih priključaka po stambenoj jedinici je 1.000 KM bez PDV.

Troškovi izgradnje gasnog priključka uključuju:

- Materijal i radove potrebne za izgradnju priključka i
- Nabavku i ugradnju regulaciono-mjernog seta (RMS-a)



web: <http://mpz.ks.gov.ba>
 e-mail: mpz@mpz.ks.gov.ba
 Tel: + 387 (0) 33 562-029,
 Fax: + 387 (0) 33 562-031
 Sarajevo, Reisa Džemaludina Čauševića I



U slučaju da su navedeni troškovi veći od 1.000 KM bez PDV (veća udaljenost objekta za priključenje od distributivne gasne mreže, prokopi javne površine, itd.) svaki kandidat koji aplicira za subvenciju treba da priloži Izjavu da je saglasan da će iz ličnih sredstava finansirati razliku troškova koji prelaze maksimalno odobreni iznos (1.000 KM bez PDV) kako bi mogao ostvariti pravo na subvenciju.

U slučaju da je za izgradnju priključka objekta potreban prokop javne površine odobrenje za Prokop javne površine pribavlja KJKP Sarajevogas d.o.o. Sarajevo nakon čega poziva kandidata da izvrši uplatu troškova prokopa javne površine i ostalih troškova iznad maksimalno odobrenog iznosa za subvenciju.

Kandidat ima pravo na subvenciju troškova priključka jednog regulaciono-mjernog seta samo po jednoj stambenoj jedinici koja je u njegovom vlasništvu.

Sredstva za subvencioniranje troškova izgradnje novih priključaka su ograničena, a predviđena su u Budžetu Kantona Sarajeva.

Prednost za subvencioniranje ima kandidat sa većim brojem bodova na javnom pozivu. U slučaju istog broja bodova prednost ima kandidat koji Projektom unutrašnje gasne instalacije ima veću ukupnu snagu gasnih aparata (Energetska saglasnost).

Zahtjevi se dostavljaju putem pošte ili na protokol KJKP "Sarajevogas" d.o.o. Sarajevo, na adresu: Trg Fadile Odžaković Žute broj 4, Sarajevo. Na kovertu posebno staviti oznaku "Prijava na Javni poziv za izbor korisnika subvencije troškova izgradnje novih priključaka – NE OTVARATI".

Javni poziv ostaje otvoren šezdeset (60) dana od dana objavljivanja.

Javni poziv će biti objavljen u dnevnom listu Oslobođenje i na web stranici Kantona Sarajevo.

Zahtjeve koji su neblagovremeni i koji ne ispunjavaju uslove iz tačke II i tačke IV Javnog poziva, Komisija će odbaciti kao neuredne.

Nacrt rang liste Komisija objavljuje na oglasnoj ploči Kantona Sarajevo i web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajući dokaz u roku od sedam (7) dana od dana objavljivanja.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Prijedlog rang liste koji se dostavlja ministru. Konačnu rang listu potvrđuje Ministar prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo i web stranici Kantona Sarajevo.



MINISTAR

Faruk Kapidžić, dipl. ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

